



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XXVI. Hempo von dem Knesebeck erlaubt einem seiner Mannen eine
Verpfändung an Jungfrau Christine Klenow, wohnhaft in dem großen Hofe
zu Salzwedel, am 30. Oktober 1471.

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

XXV. Kurfürst Friedrich vergleicht die Stadt Salzwedel mit Rudolph von dem Knezebeck zu Langenapeldorn über das Deffnungsrecht, am 20. September 1469.

Wy Friderich, von gotes gnaden Marggraue tho Brandenburg, Chorforste, des hilligen Romischen rikes Ertz Camerer, tho Stettin, Pommern, der Cassuben vnd Wenden hertoghe vnd Bourggraue tho Nurenberg, bekennen apenbar mit duffem breue, dat wy hüthe, datum dusses breues, mit vnser Rethen hie tho Tangermunde gedegedinget hebben twischen vnser leuen getreuen Ludelof van Knezebeke vnd synen eruen to Langen Apeldorn an einen, vnd Borge-mestern vnd Radmannen vnser Stede Soltwedel an andern seithe in beyder parth bywesen vnd myth eren Willen vnd vulbort. Tom ersten, dat alle twydracht vnd Scheling, de twischen en an beyder syth entstanden was, ock van Werners, des genanten Ludelof Sohnes vnd von kost vnd von teringe wegen, de die von Soltwedel gedan, dewiele se de Borg inne gehat hebben, schal alle in gude vp vns anstan bliuen. Fürder so schall de Borg Langen Apeldorn vns, vnser Amptluden vnd allen den vnsern, sündeliken den von Soltwedel apen stan gegen allen vnsern vnd vnser Lande finden vnd beschedigern. Vnd ock est die van Soltwedel ieyaget worden, edder dar harbergen vnd affleggen wolden, so schall id em open syn to vnd aff, welcher wyse em des behoff vnd noth syn werd; doch schall folke apenung, die vns vnd den vnsern so schüt, den van Knezebeck ane schaden syn, vnd die genanten Ludelof vnd syne Sone schollen dieseluen vns vnd vnser Lande finde vnd beschediger nicht hufen vnd hegen. Wert auer, dad dat geschege, dat wy, vnser Amptlude oder ander die vnsern vnd ock die von Soltwedel dy darp erführen, die scholen sy en vngewegert ouerantworten vnd tho rechte stellen. Ock schollen die vnser van Soltwedel der van Knezebeck finde oder beschediger wiliken nicht hufen noch hegen vnd est sie darbinnen vngeuerliken quemen, dy scholen se em, so se dat begeren, ock ouerantworten vnd tho rechte stellen. To orkund sunt dusse recefs twe likes Ludes mit vnsern vpedruckten Ingesegele versiegelt vnd igliken part einer gegeuen. Geuen tho Tangermunde, am auende Mathei apostoli et Ewangeliste, na Cristi Gebort Vertheynhundert vnd im negen vnd festigsten Jare.

Nach dem Originale des Salzwedelschen Archives VI, 28.

XXVI. Hempe von dem Knezebeck erlaubt einem seiner Mannen eine Verpfändung an Jungfrau Christine Klenow, wohnhaft in dem großen Hofe zu Salzwedel, am 30. Oktober 1471.

Ik Hempe van dem Knyzebeke bekenne in dessem breue apenbar thugende vor my vnde mynen eruen vnd suz vor alsweme, dat mit myner witschop, willen vnde vulbort ludeke darendorp to walstaue vp synem houe recht vnd redeliken vorkoft heft jegenwardich in kraft dusses breues to eyneme rechten erkope der vorsichtigen Juncfrouwen kristinen klenowen in

deme groten houe to soltwedel vnde deme hebbere dusses breues mit synem willen eyn verdel rogggen jarlikes paches in vnd vth synem haue vnde al des houes tobehoringhe dar sulues to darendorpe, dar he nu vppe wonet, vor twintich mark pennynge soltwedelischer weringhe, de ome wol to dancke bereidet vnd betalet synt vnd he vorder in syne nuth vnde vromen ghekeret best. Sodane sefz scapel rogggen jarlikes paches scal vnde wil de sulue ludeke darendorp vnde ok synes houes besittere vnde deme hebbere dusses breues mit synem willen Alle jar vppe funte martins dach in de Stad soltwedel mit willen sunder vortoch gerne bringen, geuen vnde betalen. Worde one ouer jenich ghebrok hir ane wedder oren willen, mogen sy dar vmme panden, dar wil ik vnde myne eruen one gerne to behulpen wesen, wen se dat an vns synnen este eyschen, Edder moghen dat mit geistlikeme rechte vth manen, wan des nod is, sunder vnser eruen insaghe edder vorbinderinghe. Wy setten ludeken darendorpe vnde deme hebbere dusses breues mit synem willen in de hebbende brukende were rouliken vnd fredeliken vor alsweme mit gift dusses breues, Jodoch wanner deme suluen lutteken darendorpe mynem vorgeroret vnd synes houes besitteren wol bequeme is, dat sy der Juncfrouwen kristinen klenowen vnde deme hebbere dusses breues mit synem willen de losinghe vp in den ver hilgen dagen to wynachten witlik don vnde vorkundighen, Vnde dar na in den ver hilgen daghen tho pachen de twintich mark penynghe soltwedelischer weringhe mit allen bedageden nastellingen jarliken renthen vnde pechte bynnen der Stad soltwedel vthrichten, geuen vnde betalet hebben, So scole denne de sefz scapel rogggen jarlikes paches deme vorbenomeden lutteke darendorpe, vnsem manne, vnd synes houes besitteren wedder syne syn, qwit, fryg vnd los vnd ok dusse breff machtlos. Des to merer vnde openbarer tuchnisse vnde witscoppe hebbe ik Hempe van deme Knysebeke vor my vnde mynen eruen min ingefegel mit guden willen ghehengen laten an dussen breff, De ghegeuen is na cristli ghehort duzent verhandert vnde in deme eyn vnde souentigsten jare, an deme middeweke vor alle godes hilgen daghe etc.

Nach dem Originale des Soltwedelschen Archives XVII, 11.

XXVII. Rudolph von dem Knefeseck verkauft dem Priester Kersten Baden Gebungen aus Darendorf und Clestow, am 9. Februar 1477.

Ick Ludelff von deme Knefesebeke, Werner vnd Maneke, myne Sone, wy bekenen openbar tugende vor allewem, dat wy vor vns, vnse rechte Eruen myt wolbedachten mode vnde myth vrygem willen hebben recht vnd redliken vorkofft vnd jegenwardichen to eynem rechten erkope vorkopen, in kraft deses breses, deme erwerdigen Prester hern Kersten Baden, anders Bartz genömet, vnd dem hebbere deses breues myt synem bewilliken willen VI scapel rogggen jarliches paches tho Darendorp in Henneke Tidekens haue, houen, ackern, wyfen, weiden, holten vnde in allen andern thobehoringen des haues, vnde eyne marck pennige iarliches tynses in Hans Jacops Schulten haue, houen, ackern, wyfen, weyden, holten vnd in allen andern thobehoringen des haues, tho Clestou belegen, vor XXX Marck pennige Soltwedelscher weringhe, dhe